

Majlis Jalinan Kasih Guru dan Murid SMK Taman Perumahan Bedaun Tahun 2022



LABUAN, 29 April – SMK Taman Perumahan Bedaun Unit Bimbingan dan Kaunseling dengan kerjasama Unit Disiplin Sekolah telah mengadakan Majlis Jalinan Kasih Guru dan Murid sempena sambutan Hari Raya Aidilfitri tahun 2022.

Puan Norazita Bt Md Nor @ Shamsuri, pengetua SMK Taman Perumahan Bedaun telah menyampaikan sumbangan duit raya kepada setiap murid seramai 539 orang murid. Hadir sama dalam majlis tersebut ialah semua penolong kanan dan Ketua Bidang mata pelajaran.

Majlis Jalinan Kasih Guru dan Murid diadakan di Anjung Berbuloh, SMK Taman Perumahan Bedaun.

Majlis ini merupakan inisiatif sekolah untuk memberi kegembiraan kepada murid-murid. Sumber kewangan duit raya disumbangkan oleh barisan guru-guru dan staf sokongan.

Majlis Jalinan Kasih Guru dan Murid telah menjadi tradisi di SMK Taman Perumahan Bedaun pada setiap kali sambutan Hari Raya Aidilfitri.

Menurut Puan Norazita, amalan memberi sumbangan duit raya kepada murid ini bagus diteruskan pada masa akan datang kerana mampu mengeratkan hubungan silaturahim antara warga sekolah SMK Taman Perumahan Bedaun.

Berita Oleh : SMK Taman Perumahan Bedaun



